

## SAMÞYKKT

### um breytingu á samþykkt um stjórn Fjallabyggðar, nr. 138/2018.

#### 1. gr.

46. gr. samþykktarinnar breytist og verður svohljóðandi:

Bæjarstjórn kýs í eftirtaldar nefndir, ráð og stjórnir. Bæjarstjórn kýs formenn og varaformenn nefnda skv. A- og B-lið:

**A. Til eins árs:** Á fundi í júní ár hvert.

*Bæjarráð.* Bæjarstjórn skal á fyrsta fundi að afloknum sveitarstjórnarkosningum kjósa þrjá aðalmenn og þrjá til vara í bæjarráð, sbr. 36. gr. sveitarstjórnarlaga. Aðalmenn í bæjarstjórn eru einir kjörgengir sem aðalmenn og varamenn í bæjarráð. Kveðið er á um verkefni bæjarráðs í 31. gr. samþykktar þessarar.

**B. Til fjögurra ára:** Bæjarstjórn kýs fimm fulltrúa og jafnmarga til vara, nema annað sé tekið fram, í eftirfarandi ráð og nefndir sem kosin eru á fyrsta eða öðrum fundi nýkjörinnar bæjarstjórnar og er kjörtímabil þeirra hið sama og bæjarstjórnar. Bæjarstjórn kýs formann og varaformann í nefndum.

1. *Yfirkjörstjórn.* Bæjarstjórn kýs á fyrsta fundi sínum þrjá fulltrúa og jafnmarga til vara í yfirkjörstjórn til fjögurra ára vegna kosninga til Alþingis, sbr. 10. gr. laga nr. 24/2000, og sveitarstjórna, sbr. 14. gr. laga um kosningar til sveitarstjórna nr. 5/1998. Þá getur bæjarstjórn kosið þrjá menn og þrjá til vara í undirkjörstjórn fyrir hvorn byggðakjarna. Heimilt er að kjósa hana síðar.

2. *Félagsmálanefnd* fer með verkefni bæjarfélagsins á grundvelli laga um félagsþjónustu sveitarfélaga, þjónustu við aldraðra, félagslegt húsnæði og málefni fatlaðs fólks, samkvæmt lögum og reglugerðum og samningum þar um ásamt öðrum þeim verkefnum sem nefndinni eru falin með erindisbréfi.

3. *Fræðslu- og frístundanevnd* fer með verkefni leikskóla og grunnskóla, samkvæmt lögum og reglugerðum þar um. Nefndin fer einnig með íþrótt- og æskulýðsmál, samkvæmt lögum og reglugerðum þar um, ásamt öðrum þeim verkefnum sem henni eru falin með erindisbréfi.

4. *Markaðs- og menningarnevnd* fer með málefni safna samkvæmt lögum og reglugerðum þar um, verkefni á sviði ferðaþjónustu-, markaðs- og kynningarmála ásamt öðrum þeim verkefnum sem henni eru falin með erindisbréfi.

5. *Ungmennaráð.* Um verkefni og skipan ungmennaráðs fer samkvæmt sérstökum samþykktum sem þarfnast staðfestingar bæjarstjórnar.

6. *Skipulags- og umhverfisnevnd* fer með byggingarmál, skipulagsmál, brunavarnir og brunamál, húsafríðunarmál, hreinlætismál, umferðarmál, umhverfismál, gróður- og náttúruverndarmál samkvæmt lögum og reglugerðum þar um ásamt öðrum þeim verkefnum sem henni eru falin með erindisbréfi. Nefndin fer einnig með stjórn og eftirlit með búfjár- og gæludýrahaldi, framkvæmd fjallskila, afréttamál, hagagöngu, forðagæslu, eyðingu refa, minka og vargfugls og sjúkdómavarnir ásamt öðrum þeim verkefnum sem henni eru falin með erindisbréfi.

7. *Hafnarstjórn* fer með málefni hafna samkvæmt lögum og reglugerðum þar um ásamt öðrum þeim verkefnum sem henni eru falin með erindisbréfi.

8. *Stjórn Hornbrekku* fer með málefni hjúkrunar- og dvalarheimilis Hornbrekku skv. lögum og reglugerðum og samningum þar um og ásamt öðrum þeim verkefnum sem nefndinni eru falin með erindisbréfi.

9. *Skólanefnd Tónlistarskólans á Tröllaskaga* fer með málefni Tónlistarskólans á Tröllaskaga samkvæmt erindisbréfi þar um. Skólinn er samrekinn með Dalvíkurbyggð. Bæjarstjórn Fjallabyggðar kýs formann og tvo varamenn í skólanefndina.

10. *Barnaverndarnefnd.* Fjallabyggð og Dalvíkurbyggð standa sameiginlega að meðferð barnaverndarmála samkvæmt samningi dagsettum 23. desember 2002. Bæjarstjórn Fjallabyggðar

kýs þrjá nefndarmenn og þrjá til vara. Nefndin kýs sér formann. Barnaverndarnefnd starfar skv. barnaverndarlögum nr. 80/2002.

11. *Fjallskilastjórn*. Bæjarstjórn Fjallabyggðar kýs þrjá aðalmenn. Verkefni nefndarinnar eru m.a. að sjá um framkvæmd og hafa yfirumsjón með fjallskilamálum í samræmi við ákvæði fjallskilasamþykktar Eyjafjarðar fyrir sveitarfélög við Eyjafjörð.

#### C. Stjórnir og samstarfsráð:

Hér er um að ræða stjórnir stofnana með sjálfstæðan fjárhag og tilnefningar í samstarfsráð sem hafa endanlegt ákvörðunarvald í málefnum sínum, þ.e. þurfa ekki staðfestingu bæjarstjórnar til að koma málum í framkvæmd innan ákveðins fjárhagslegs ramma. Kjörtímabil þeirra er samkvæmt samþykktum um stjórn viðkomandi stofnunar.

1. *Haustfundur Atvinnuþróunarfélags Eyjafjarðar* (AFE). Bæjarstjórn kýs aðalfulltrúa og jafnmarga til vara til fjögurra ára í senn á haustfund AFE samkvæmt samþykktum AFE eins og þær eru á hverjum tíma.
2. *Þjóðlagasetur sr. Bjarna Þorsteinssonar*.
3. *Síldarminjasafn Íslands ses.*
4. *Stjórn Fjallasala ses.*
5. *Heilbrigðisnefnd SSNV*.
6. *Menningarsjóður SPS*.
7. *Leyningsás*.

#### D. Tilnefningar þingfulltrúa hjá samtökum sveitarfélaga og í stjórnir:

1. *Landsþing Sambands íslenskra sveitarfélaga*. Samkvæmt samþykktum Sambands íslenskra sveitarfélaga kýs bæjarstjórn aðal- og varafulltrúa á landsþing sambandsins. Fulltrúar bæjarfélagsins eru kosnir á fyrsta eða öðrum fundi nýkjörinnar bæjarstjórnar og er kjörtímabil þeirra hið sama og bæjarstjórnar.
2. *Fulltrúaráð Eignarhaldsfélags Brunabótafélags Íslands*. Bæjarstjórn kýs einn aðalfulltrúa og einn til vara í fulltrúaráð Eignarhaldsfélags Brunabótafélags Íslands. Fulltrúi bæjarfélagsins er kosinn á fyrsta eða öðrum fundi nýkjörinnar bæjarstjórnar og er kjörtímabil hans hið sama og bæjarstjórnar.
3. *Eyþing*. Bæjarstjórn kýs aðalfulltrúa og jafnmarga til vara á aðalfund Eyþings samkvæmt samþykktum þess hverju sinni. Fulltrúar bæjarfélagsins eru kosnir á fyrsta eða öðrum fundi nýkjörinnar bæjarstjórnar og er kjörtímabil þeirra hið sama og bæjarstjórnar.
4. *Öldungaráð*. Bæjarstjórn kýs á fyrsta fundi sínum þrjá fulltrúa og jafnmarga til vara í öldungaráð til fjögurra ára sem er samstarfsveitvangur sveitarstjórnar með fulltrúum eldri borgara og heilsugæslu. Kjórið fer fram á grundvelli 2. mgr. 38. gr. laga nr. 40/1991, um félagsþjónustu sveitarfélaga, með síðari breytingum, með hliðsjón af 8. gr. laga nr. 125/1999, um málefni aldraðra, með síðari breytingum. Í öldungaráði skulu sitja að lágmarki þrír fulltrúar kosnir af sveitarstjórn, þrír fulltrúar tilnefndir af félagi eldri borgara og einn fulltrúi frá heilsugæslunni.
5. *Samráðshópur um málefni fatlaðs fólks*. Bæjarstjórn tilnefnir þrjá aðalmenn og þrjá til vara skv. 42. gr. laga um félagsþjónustu sveitarfélaga nr. 40/1991, sbr. lög nr. 37/2018.
6. *Stýrihópur um heilsueflandi samfélag*. Bæjarstjórn samþykkir eftir tilnefningu aðalmanna og varamanna sem hér segir: Einn aðalmann og einn til vara sameiginlega frá Félagi eldri borgara á Siglufirði og á Ólafsfirði. Einn aðalmann og einn til vara sameiginlega frá leik- og grunnskóla. Einn aðalmann og einn til vara frá UÍF. Einn aðalmann og einn til vara frá heilsugæslu HSN. Deildarstjóri fræðslu-, fristunda- og menningarmála situr einnig í stýrihópnum.
7. *Fulltrúaráð Eyþings*. Bæjarstjórn kýs aðalfulltrúa og jafnmarga til vara í fulltrúaráð Eyþings samkvæmt samþykktum þess hverju sinni. Fulltrúar bæjarfélagsins eru kosnir á fyrsta eða öðrum fundi nýkjörinnar bæjarstjórnar og er kjörtímabil þeirra hið sama og bæjarstjórnar.
8. *Flokkun Eyjafjörður og svæðisskipulagsnefnd Eyjafjarðar*. Bæjarstjórn kýs aðalfulltrúa og jafnmarga til vara í Flokkun Eyjafjörður og svæðisskipulagsnefnd Eyjafjarðar samkvæmt samþykktum þess hverju sinni. Fulltrúar bæjarfélagsins eru kosnir á fyrsta eða öðrum fundi nýkjörinnar bæjarstjórnar og er kjörtímabil þeirra hið sama og bæjarstjórnar.

9. *Almannavarnanefnd Eyjafjarðar*. Bæjarstjórn kýs aðalfulltrúa og jafnmarga til vara í almannavarnanefnd Eyjafjarðar samkvæmt samþykktum þess hverju sinni. Fulltrúar bæjarfélagsins eru kosnir á fyrsta eða öðrum fundi nýkjörinnar bæjarstjórnar og er kjörtímabil þeirra hið sama og bæjarstjórnar.

**E. Verkefnabundnar nefndir:**

Bæjarstjórn getur kosið nefndir til að vinna að einstökum afmörkuðum verkefnum. Umboð slíkra nefnda stendur til loka kjörtímabils eða þar til verkefni hennar er lokið. Bæjarstjórn getur þó afturkallað umboð slíkra nefnda hvenær sem er. Bæjarstjórn setur nefndum erindisbréf þar sem hlutverk og staða þeirra er skilgreind.

2. gr.

Samþykkt þessi, sem bæjarstjórn Fjallabyggðar hefur sett samkvæmt ákvæðum 9. og 18. gr. sveitarstjórnarlaga nr. 138/2011, staðfestist hér með til að öðlast þegar gildi.

*Samgöngu- og sveitarstjórnarráðuneytinu, 10. maí 2019.*

F. h. r.

**Hermann Sæmundsson.**

*Stefanía Traustadóttir.*